

伍冲虛祖師傳---陳子石宗師

祖師姓伍。名守陽。字端陽。原名陽。江西吉安人。宗師守虛之兄也。幼精性理。明佛三昧。年二十舉明經。志在成仙。不入仕籍。朝士屢推之。遜入廬山。師事曹還陽祖李泥丸祖。曹祖授以大丹秘旨。未就。李祖曰。希仙者須立三千功。八百行。乃可。遂授以東老遺書。師遂竭情烹煉。丹垂成而飛者。五十有七次。乃出訪李泥丸祖於何山南麓。得五雷法而返。丹乃成。將試取吞。泥丸祖突至。曰。無洞汝五臟。五臟未堅。服恐不利。不如以點石。得則普濟。乃點所坐大磐石。轟然若雷聲。雲霞為之色變。金成而泥丸視杳矣。祖嗣是濟人作福。無虛日。吉王聞之。懸致而師事之。祖恐有禍及。遜至天台之瓊臺。趙復陽知而俯就曰。汝乃律門真種子。盍至王屋山清虛洞天。與王常月子。(即王崑陽祖)徜徉時日乎。并授以內丹口訣。曰。是爾所曹某所事之書也。祖乃拜辭。踵至王屋。崑陽祖師已預俟於洞門外。祖時亦大悟。洞澈金液微妙。

一見契合。遂皈投。疊三大戒。得名守陽。字曰端陽。以時值重午節也。相處有年。返服還丹。始得質凡咸化。自號冲虛子。手著仙佛合宗。天仙正理。明代至歲甲申正月朔日。浴辭眾而仙。地曰武陵。

紀念伍冲虛祖駢言

自四宗伊始。玄學方明。百派分流。旁門挺出。導倡於脩持道妙。培養心靈。授訣言行。不必執泥形相也。歸根復命。無取祝禱乩符也。道祖云。觀竅觀妙。謂之眾妙。孔子云。一陰一陽。定矣乾坤。悟此者可以研吾國哲學之理矣。伍祖幼通性理。志慕仙才。江西鍾靈。吉安有跡。遜入廬山之隱。師事還陽之宗。心傳正理。吐露玄光。力作合宗。窮求語錄。固已極闡發陰符之旨。將以本崇興道德之言。而乃慧命傳僧。天仙授弟。竭情以煉。點石為丹。言微則語曉人人。說妙則神通點點。不無聖範。那得賢才。況以身是喻鑪。心猶譬鼎。為精元作種。炁素為丹。採取真時。調和至法。化生在電。運用於神。得無玄關一竅。輒喚奈何。大數雙脩。難名其狀。至若體乎太極。察於二儀。位界東西。元分神炁。通消息於往來月窟。證電靈於還返天根。如痴如醉。氤氲不絕。悟此悟彼。喜樂難禁。了解虛無。猶參實有。逮乎陽生進火。陰至退符。以對境忘情。在塵不欲。雖復入門煉己。義必詳言。深造凝神。理當直解。是又法求真意。返觀炁穴之深。功立玄門。崇報函關之德者矣。於是水源細辨。洞悉清濁。丹種所成。更分真幻。或周大火候。合度得宜。或大藥天機。著明限數。此蓋外現陽光之景。顯火足真情。而非內藏元素之精。難神通入定也。今春三五欣逢。追懷我祖。同人雅祝。願續仙宗。伍祖方且問答以詞。道德而講。調秘煉密行之妙。慮邪行左道之


譏。幾將龍門衣鉢之承。畏世俗訛言之亂。則豈不知水金木火。調和也而五行以名稱。乾坤坎離。匹配也而四象以運用。長春學博。歌詠青天。清和旨深。善言問答。賦靈經者。心明乎寶畢。作翠虛者。身隱於羅浮。石泰還源。薛式復命。真元切問。寄意天然。瓊玉信心。乃知真種。上陽之金丹大要。知幾之參悟兩全。濟一示讀。函虛道竅。歷數前聖。點化如斯。若皆真訣不諳。適相反矣。玄機所譬。又何悲焉。彼不見夷詮。難聞希旨。必謂學枯坐於絕粒。倩獨處於休妻。作小術之談。為離奇之怪。則是朱夫子所謂誤解參同之文。而張尚書所謂妄將真金而服。因不搏玄微者也。邪技愈多。至言更失。機傳在目。理豁於心。大義既明。玄珠在握。祖如太上。將道可道以宏宣。我愧南宗。為玄又玄而光復。

道曆四千六百六十年辛丑三月十五日南宗弟子陳子石撰。

伍冲虛祖師遺產（精神修養要妙-15）

昔曹老師語我云。仙道簡易。只神炁二者而已。以二炁為論。所以明生人生仙佛之理也。若二炁不順行。則人不能生。二炁不逆行。則仙佛亦不生。炁依神則能化炁。神依炁則能化神。得生之理者。一陰一陽為一性一命。二者全而為人也。（伍真陽祖註曰。既性命雙脩。方成得一個人。亦必性命雙脩。方成得一個仙佛。未有二者不全而能成人成仙佛。）稟此陰陽二炁順行。隨其自然之變化則生人。逆而返還脩自然之理則成仙成佛。正言此未成後天精質之先天炁名元精者是也。精既返而成炁。則無復有精矣。真炁亦不得死守於臍矣。若只守於臍而不超脫過關。不知淫欲之事不足以行道者。又不知參究採此真炁而煉為神。亦不足以行道者也。古人教人得之者早脩。莫待老來鉛汞少者。擇侶擇財求福地。又有極口稱為財不難兮侶却難者是也。蓋為學道本皆智士。而每人品不同。或以德勝而行道之心不專。或以志欲為仙而德不足。或以始雖勤而終則怠。或喜於談笑而問道。若勤其力行實悟全無有。或初一遇待師家以杯茶。便問如何成黃芽飲師家以杯酒。便問如何到了手。無常速到。道果得乎。恩愛在乎。於此前列假心學道數事辨得分明。全無所犯。不妨道行。而後可稱同志。可惜雖遇真道而不得實聞正道緣。師家知其不能破疑而改邪歸正。便是匪才無用之人。彼世人遇區區奔走者於一傾蓋間。而曰得遇仙。曰得遇侶。果何所得哉。又能信奉真師。慎擇賢友。所以呂祖得先天炁後天炁之旨而成天仙也。然所謂先天炁者謂先於天而有無形之炁。能生有形之天。是天在之先天也。即是能生有形之我者。生我之先天也。故亦曰先天脩士用此先天始炁以為金丹之祖。未漏者即採之以安神入定。已漏者採之以補足。如有生之初。完此先天者也。脩士於此下手。須要採取真時。知脩煉真機。而後可稱真仙道。所謂後天炁者。後於天而有言有天。形以後

之物。卽同我有生以後有形者也。脩土於須不令先天元精變爲後天。又必令先天之精仍返還爲始炁。以初之發生總出於身外而遂曰外藥。若不曰外則人不知採之於外而還於內 將何以還丹。及精補精全。炁補炁足。神炁但得定機。蓋外藥則生而後採者也。內藥則採而後生者也。此炁在人未有此身卽此炁以生其身。但其變化雖在逆轉一炁。而其爲逆主宰則在神。返照內觀。凝神入於炁穴。則先天真藥亦自虛無中而返歸於鼎內之炁根。皆藥之二生之真。兩採之真。兩煉之真。以所證者辨藥者爲仙家之至要秘密天機。 必凝神入炁穴。而神返身中炁自回。不得火候不能採取烹煉而爲丹。宰之順以生人由此性。宰之逆以成聖亦由此性。精補其精。炁補其炁。神補其神。築而成基。昔鍾離曾十試於呂祖。丘祖百難於重陽。我伍子切問二十載於曹還陽。採之嫩則炁微而不靈不結丹也。採之老則炁散而不靈亦不結丹也。惟能伏炁則精可返而復還爲先天之炁。神可凝而復還爲先天之神。所以煉精者。欲以調此炁而伏也。胎從伏炁中結。炁從有胎中息。斯言爲過去未來諸神仙天仙之要法也。故鍾離老祖云。吾之求人。甚於人之求我。人不及於求我。我不及於求人。



伍冲虚祖師紀念專輯 道商 梁定瀨 題於 澳洲